

## **Claudii Fleurii Abbatis Historia Ecclesiastica**

Ab anno Christi 1400. usque ad annum 1415 - Unacum Dissertatione  
Præliminari Ad Historiam Sæculi XV.

**Fleury, Claude**

**August. Vind. [u.a.], 1767**

**VD18 90118286**

§. 54. Plures Europæ Principes cessioni assentiuntur.

---

[urn:nbn:de:hbz:466:1-66281](#)

*Spicil. loc.  
cit.*

nec tamen ejus pertinaciam expugnare poterant, imo nunquam tanta arrogantia, quam hac eadem occasione loqui audiebatur, cum etiam Cardinalibus novam traderet Bullam, qua cunctis sub poena inobedientiae, ac perfidiæ inhibuit, ne formulæ super cessionis via confectæ subscriberent. Hoc Pontificis consilio Duces non mediocriter concitati, nullis amplius precibus flecti poterant, ut ad eum rursum inviserent, sed recta magnis itineribus Lutetiam redierunt; quo tandem die vigesima quarta Augusti S. Bartholomæo sacra pervenientes, rei gestæ seriem ad Regem, ejusque Senatum deferunt, rogantque, ut ipse pro pace Ecclesiæ hucusque bene cœpta perficeret.

#### §. LIV.

*Plures Europæ Principes cessioni assentiuntur.*

*Hist. Univ.  
Paris. tom. 4  
p. 752.*

Rex ardentissimo procurandæ pacis studio accensus, nec a proposito suo dimoveri passus, oratores suos ad ceteros

ceteros Reges, atque Principes, Academiæ hortatu, mittere statuit, qui eos ad urgendam cessionis viam, ut pote reliquis efficaciorem, hortarentur. Abit in Germaniam Abbas S. Ægidii Noviodunensis, comitante Ægidio de Campis Theologo. Angliam petunt Simon Cramaudus Patriarcha Alexandrinus, & Archiepiscopus Viennensis. Parisiensis quoque Universitas ad Academiam Oxoniensem Joannem de Curtacoxa Theologiae Doctorem, & Petrum Regis, Montis S. Michaelis Abbatem; ad Coloniensem vero, nec non ad Electores ablegat Petrum Platum Theologiae Doctorem, & alium quemdam Jurisconsultum. Rex Angliæ viam cessionis prætulit, non obstante contraria Oxoniensis Universitatis sententia, quæ quæstionis hujus decisionem potius ad Generale Concilium remittendam esse censuit. Paulo ante Angliæ Rex Legatos suos, collatis prius cum Carolo Galliarum Rege consiliis, Romam & Avignonem decreverat, eo fine, ut u-

13 trumque

trumque Papam ad amplectendum  
hoc medium inducerent; cum ergo  
ab iisdem Legatis in Angliam rever-  
fis edoceretur, tam Bonifacium, quam  
Benedictum colludere, ac caussæ de-  
cisionem unanimi studio protelare,  
hac ex caussa cessionis viæ firmiter  
institit; narrabant enim Legati Bo-  
nifacium constanter profiteri, se ad  
abdicandum Papatum esse paratum,  
si prior cedat Benedictus, eo quod  
certus esset, hunc a cessione alienis-  
simum esse.

*Mariana*  
*l. 19. c. 8.*

Pariter cessioni adstipulaban-  
tur, Universitatis Parisiensis judi-  
cium secuti, Wenceslaus Impera-  
tor, S. R. I. Electores, & Bavariæ,  
ac Austriæ Duces, Francofordiæ  
congregati. Sigismundus Hunga-  
riæ Rex nil hæsitans mox acquievit,  
& Navarræ, ac Castellæ Reges pa-  
riter Galliæ Regem imitati sunt,  
frustra contranitente Martino Arra-  
goniæ Rege, qui Joanni Regi nu-  
perrime successit, & Benedictum,  
quem, utpote concivein suum sibi sub-  
jectum reputabat, ob privata sua  
com-

commoda constanter tuebatur. Rex Lusitaniæ, ceterique Principes, qui hucusque Pontificum Romæ residen-  
tium obedientiæ addicti erant, neu-  
tri ex propositis tollendi schismatis  
viis accesserunt, sed immota fide Bo-  
nifacium tanquam verum Papam co-  
luerunt, ab eo deficere, cui semel o-  
bedientiam devovissent, indecorum  
esse arbitrati.

## §. LV.

*Appellatio Universitatis.*

**C**um Universitas ardenter studio *Hist. Univ.*  
accensa viam unionis urgeret, *Paris tom. 4.*  
*Benedictus Papa contra illam verbis Spicil. tom. 6*  
& factis debachatus est, ut ergo com-*p. 143.*  
minati anathematis vim præverte-  
ret, ab ejus sententia ad futurum Pon-  
tificem ab universa Ecclesia acceptan-  
dum provocavit. Benedictus ad-  
versus hanc appellationem, qua ple-  
nitudini suæ potestatis præjudica-  
tum credebat, Bullam edidit; cum-  
que in ea a Judicio Papæ appellare  
licitum non esse adstrueretur, Aca-

l 4      demia